



職方典第一千五百三十九卷

都勻府部彙考一

都勻府建置沿革考

通志

本府

禹貢荆梁二州南境漢唐爲黔中地五代晉天福五年都雲蠻長尹懷昌率其十二部附於楚宋爲羈縻合江陳蒙二州元初因之尋分置都雲軍民府領都勻縣定雲府領合江陳蒙二州俱隸思明路尋改置都雲定雲等處安撫司隸雲南行省明洪武十六年省定雲置都雲安撫司隸四川布政司二十三年改安撫司置都勻衛領長官司七仍隸四川布政司永樂十七年改隸貴州都司割所領長官司隸布政司尋復屬衛弘治六年卽衛城增置都勻府以衛屬長官司隸之又增置長官司二安撫司一八年改麻哈長官司爲麻哈州九名九姓獨山長官司爲獨山州清平長官司爲清平縣屬焉縣治與清平衛同城正統間以安撫司隸清平縣

皇清因之尋分長官司二隸麻哈州三隸獨山州康熙七年省清平縣入麻哈州十一年改都勻衛

爲都勻縣附郭復置清平縣省清平衛入縣本年復故長官司一仍隸府十二年以府屬長官司五併隸都勻縣領州二縣二

都勻縣

附郭

元爲都雲縣隸都雲軍民府明改置都勻衛隸貴州都司

皇清康熙十一年改都勻衛爲都勻縣二十六年總裁衛割新添衛屬丹行入縣共領長官司七都勻正都勻副邦水平州平浪天瀑丹行

麻哈州

元爲麻峽縣尋廢縣改爲麻哈長官司明改置麻哈州隸府

皇清因之領長官司二平定樂平

獨山州

元爲獨山蠻夷長官司明爲九名九姓獨山長官司尋改司設獨山州隸府

皇清因之領長官司三豐寧上爛土豐寧下

清平縣

元爲麻峽縣地明洪武初置清平堡尋改爲清平衛隸貴州都司弘治八年增置清平縣與衛同城隸府

皇清康熙七年省清平縣入麻哈州十一年改清平衛爲清平縣隸府領安撫司一凱里

都勻府疆域圖

生苗大肚坡界

平越縣界

貴陽府界

界州土丹南



都勻府疆域考

通志

本府

東至生苗大肚坡界七十里

西至貴陽府貴定縣界一百二十里

南至廣西南丹州

界三百五十里

北至平越府平越縣界一百里

自府治西北至省城三百里至

京師七千五百六十里

東西廣一百九十里南北袤四百五十里

都勻縣

附郭

東至清平縣界六十里

西至貴陽府貴定縣界五十里

南至獨山州界五十里

北至平越府平越縣界十五里

東西廣一百一十里南北袤六十五里

麻哈州

東至生苗大肚坡界七十里

西至貴陽府貴定縣界六十里

南至都勻縣界三十里

北至平越府平越縣界三十里

自州治南至本府五十里

東西廣一百三十里南北

袤六十里

獨山州

東至黎平府界一百二十里

西至都勻縣界三十里

南至廣西南丹州界一百三十

里 北至都勻縣界五十里

自州治東北至本府一百二十里

東西廣一百五十

里南北袤一百八十里

清平縣

東至生苗大肚坡界七十里

西至平越府平越縣界二十里

南至平越府平越縣界

二十里

北至平越府黃平州界二十里

自縣治西南至本府一百一十里

東西

廣九十里南北袤四十里

形勝附

本府

都勻縣附郭

亢王訓城隍廟碑界甌貴之間壤僻而險

明一統志控扼要荒孤城獨守爲廣西之唇齒貴州之藩籬

都勻衛志東距播州西連隆里北通平越南抵南丹衆山環繞一水縈流而本衛居其中焉
舊志據桂象之喉引川播之腋橫岡虎伏小澗龍廻四面環苗孤城自衛

麻哈州

玉屏當其北天馬聳其南

獨山州

四際平曠孤峯屹立

清平縣

舊志衆山環拱二水交流

東抵丹章西連平越

秀峯列戟平疇交風

舊志所志四山圍繞峻險如壁

都勻府星野考

通志

府總

參井之餘

都勻府山川考

通志

本府 都勻縣附郭

東山在府城內建鼓樓於上四望極遠

龍山在府城西逶迤若龍有圃可畦有泉可汲俯

臨劍河天將雨則雲生一縷漸繞峯巒郡人以此卜陰晴初名蟒明張鶴樓先生易以今名於

斷岸處建小橋名曰謫仙

小孤山在府城西

夢遇山在府城北面臨劍河眾水匯流

波光浩淼有碑識曰僊人張三丰觀瀾處

七星山在府城北七里拱列如七星內有洞頗

清迴梯石而下如聞風雨聲初甚紆暗行數武便得平地極寬中有潭風急濤駭寒氣逼人隱

有一船隨波往來人不能近

凱陽山在府城西平浪司境

觀音坐山在府西與龍山

洞門相望號鴛鴦洞

笄山在觀音坐山西里許卽龍山麓也盤曲崎嶇三四里而及山巔

羣山環列不啻兒孫郡城樓堞市衢井舍皆歷歷在目

筆架山在府西北一里三峯高聳

以形似名

養牛山在府西北十里其上有寨

二龍戲珠山在府西北五十里二山環

繞中有圓山狀若珠

鳳凰山在都勻司南

箐口山在邦水司西南二十五里高險多

箐 鷄冠山在邦水司東以形似名 六洞山在平州司西南七十里山險峻上有大六

洞寨 雨花岩在府城內白衣庵道人邵鉉中手闢結庵其上巉巖曲磴萬木叢陰春時桃

李盛開落英繽紛宛若雨花故名 魚王石在府城北水中每春夏水漲魚皆溯流朝之逐

亦不去 觀音洞在府城西懸崖峭壁下臨深潭上建飛閣 九龍洞在府城西九十里

地名凱口洞有石龍鱗豎宛然或懸或伏若遊若飛變態多端蓋不止九 雄黃洞在平浪

司西北二十里 凱口圍在凱陽山上圍十餘里高四十丈四壁陡絕獨一徑僅尺許盤旋

而登上有天池雖旱不竭明時部苗阿向阿四皆據此爲亂後討平之改爲滅苗鎮更添兵守

禦 黃土坡在都勻司境苗寨也 都勻洞在都勻長官司東十里前門北向高廣俱一

丈五尺後門南向高廣四五尺洞中亂石狀如象鼻雜草叢生 都勻河在府城外一曰劍

河從西北流東南出湖廣之黔陽 便河卽府城壕明正德間副使李麟因苗警自北門歷

西南一帶環濬爲河引水繞城下守者賴之萬曆間副使袁應文重濬今堙塞 麥沖河在

府城西南內有巨魚二不輕出出則羣魚隨之其年必有兵屢驗後一日暴雷魚震死 邦

水河在府西一名劍河自邦水司流入南流經都勻司爲都勻河又東南經獨山州爲獨山江入廣西天河縣境 長河在府城北有二源俱出澗中至城東北三里合流爲一其下流達

湖廣黔陽縣可通舟楫 三道河在府城東二里下流合邦水河 平州河在平州司南

水中有沙洲土人開肆貿易其上 胡公堰在府城北指揮胡綱築引水灌城西諸田

龍潭在府城南一里淵匯不測歲旱禱雨有應

麻哈州

銅鼓山在州西山麓有水每日凡三溢 波隴山在州東十里 三台山在波隴山東

貴人山在州南高聳獨立 天馬山在貴人山南 鳳凰山在州北形如鳳先時城在此

龍頭山與楊老相望自下而上約五里有古寺清泉頗堪眺望 玉屏山在州西端方竦

立如屏 百里山在州西 馬場山在樂平司東北五十六里與牧馬場相接 楊古

山在平定司北二十里 平孔山在平定司南二十里 馬蹄洞在州東二十里又名天

焦洞悍苗恆恃爲窟穴 龍洞在州東之漫坡有內外二洞中界碧潭有碁局石牀之形遊

者若過碧潭以探內洞則陰氣突起火炬皆滅無能進者世傳有龍蟄于內 麻哈江在州

南五里其上源爲兩岔江爲算水下流卽邦水河 舟溪江在平定司東八十里 擺遞

河在州南 山江河在平定司東北五十里 平定溪在平定司東流入山江河 樂

平溪在樂平司南下流合于麻哈江有紫薑苗夾溪而居

獨山州

獨山在州南羣山相連一峯獨峙州以此名焉 行郎山在州城西山峻路險土人用梯以

登上有蠻居山半有泉 鎮彝山在州治南山高頂平土人結寨其上以鎮苗蠻 丙王

山在爛土司東高數百丈 梅花洞在州城南岩水噴瀉白石齒齒作梅花狀按明一統志

在陳蒙爛土長官司東南三十里明宣德九年都指揮顧勇等嘗攻破此洞 深河在州城

北方 母魚河在州南二十里流入獨山江 獨山江在州南卽都勻河之下流也

清平縣

碁盤山在縣東一名東山三峯高銳頂有平石可坐數十人 香爐山在縣東南四十里形

如博山四面陡絕三疊而上有田有井有潭足容萬人明時苗據爲亂正統間總督王驥勸之不能盡天順間復叛巡撫鄒文盛叅議蔡潮等平之置防兵建倉貯糧於上今廢 侍講山

在縣北二里 石仙山在縣城北上有三石屹立如人對語故名 嬰壩山在縣東北山

徑險巖竹木叢密明時苗賊依之遺有營壘 馬鞍山在縣東五里 筆架山在縣二十

五里 小華山與筆架山相近 望城山在縣東北二十五里 天榜山在縣東北二

十五里 雙乳山在縣北六里 羅仲山在縣北二十里 盛山在縣西三里形如覆

釜一名鍋底山 萬貢山在縣西五里 萬朝山在縣南四里 木案山按明一統志

在凱里司東二里有茂林秀竹橫瓦青翠如列屏嶂 天然洞在縣城北一名小空洞弘

敞幽深石乳倒垂如蓮花萬朶明嘉靖間總兵石邦憲開其左爲太極洞 雲溪洞在縣北

一名大空洞高可十丈坐可千人行數十步巖徑險仄有洞曰中洞微暗循崖以登又一洞曰

上洞僧人構木果亭于其間題曰峙蒼洞天 木級坡在縣南五里兩木交生如階級苗蠻

恆出沒于此爲戍守要地 龍王坡在縣南四里上有龍王廟禱雨輒應 王家坡在縣

東一里 觀音坡在縣北二十里 城河在縣城內明指揮司勳引溪水入城中以備不

虞 山江河在縣東五十里源出香爐山 勇勝溪在縣南九里下流合於山江河

凱還溪在縣北五里下流合於山江河 東門溪在縣城東 西門溪在縣城西 皮

井在縣城內泉清味甘 濟生池在縣治西北今縣治卽清平衛城也明正統間苗賊圍城

凡十四日軍民賴此以濟 葛貢連塘在縣西北五里有灌溉之利 龍泉澗按明一統

志在凱里司東南源出東南山谷流至城南潛入洞中透合落窩溪遇旱取水禱雨有驗

都勻府城池考

通志

本府 都勻縣附郭

都勻府城池卽都勻衛城明洪武二十七年平羌將軍何福築土城後指揮黃鏞砌石共一千七十二丈高二丈寬一丈串樓三百八十四間壕六百二十個城樓五座月城轉閣敵樓八座
成化間副使李麟濬便河引水環城爲壕萬曆間兵備蘇愚增修

皇清順治十八年都清道僉事姚啟盛新鎮道叅議徐弘業知府龍納銘叅將龍略中軍守備李子

玉重建尋傾數十丈康熙六年副使吳毓珍知府黎際臯參將龍略衛守備崔基重修

外州縣

麻哈州城池原築土牆明嘉靖三十一年知縣楊敏砌石尋圯萬曆十六年知州胡友祿又砌以石寬七尺共四百丈高一丈二尺垛四百十六箇城門樓關四座日城二座串樓四百九十六間

獨山州城池原無城明萬曆五年知州歐陽輝令南北二街市民各照界限修築土牆高一丈厚三尺栽植棘茨竹木相倚

清平縣城池卽清平衛城明洪武二十三年指揮司鐸建土城萬曆間巡撫羅瑤請帑銀五千三百兩委叅將侯之胄等修砌包石建城樓四座串樓七百九十二間垛七百九十二箇

都勻府關梁考

通志

本府 都勻縣附郭

平定關在府城北

靖盜關在府城北

威鎮關在府城南按明一統志在城西四十里

明洪武二十四年置

石屏關在府城西

謫仙關在府城西龍山上主事張翀建

迎恩橋在府城北

來遠橋在府城北

平定橋在府城北明末圯

楊安橋按明一

統志在府城東南五十里

麻哈州

惠民橋在州城南

必撥橋在州城北

山江渡按明一統志在平定長官司境

獨山州

深河橋在州城北生員蔡希端建

清平縣

羅仲關在縣城北

鷄場關按明一統志在清平城南十里二關俱洪武二十五年建

勇勝橋在縣城南明知縣王倣建按明一統志跨勇勝溪上

報捷橋在縣城南

凱旋

橋在縣城北按明一統志跨凱旋溪上

宗伯橋尙書孫應鰲建

都勻府公署考

通志

本府

都勻府治明洪武六年建

皇清康熙七年知府黎際暉重修

都勻縣治舊爲都勻衛今爲縣署

都勻城守營署在城內

外州縣

麻哈州治在城內

獨山州治在城內

清平縣治在城內

都勻府學校考

通志

本府

都勻縣附郭

都勻府儒學明宣德八年副使李睿都指揮陳原建衛學于城東成化六年副使吳立修弘治六年改爲府學知府凌文獻相度形勢更廣正殿列兩廡後爲明倫堂尊經閣敞一亭前立戟